

Liebe Frauenbundmitglieder,
wir wünschen Ihnen und Ihrer Familie
eine gesegnete Weihnachtszeit
und für das neue Jahr 2021
alles Gute, Gesundheit und Gottes Segen.



Ihr KDFB-Vorstandsteam

A Trost von Herzen

Seltsam san de Zeiten wordn,
ois hat a bisserl sein Wert verloren.
Ganz vorsichtig geht jeda mitn andern um,
staada is ois wordn und auch manches fast stumm.

I vermiss des Lacha, des einfach so kimmt,
i vermiss den Dog, wo ma aufsteht und ois stimmt.
I vermiss des Lacha im Gesicht vo de Leut,
ois is so staad wordn, so vorsichtig heid.

I vermiss de Worte, de selbstverständlich warn,
de Zeit, wo ma einfach san zu Freunden gfahrn,
wosd ned überlegt hast, derf i des no,
wo ned so vui a Problem war, wann wird des wieda so?

I vermiss de Umarmung, de einfach so kimmt,
eban, der einfach in Arm die nimmt,
a Trost vo Herzen, den ma a zoagt,
und ned überlegt und nach de Folgen fragt.

I vermiss de Unbekümmertheit
und de unbeschwerte Freundlichkeit,
an blöden Spruch derf ma nimma macha,
man traut si ja scho fast nimma lacha.

Was is denn los auf dera Welt,
bin i denn d oanzige, dera des fehlt?
Doch a freundlichs Wort oda a liabs Lacha,
des kenn ma doch trotzdem macha.

I wünsch euch de Kraft, trotz allem glücklich zu sein
und dass ma ned verlernen, uns über Kloanigkeiten zum gfrein.

I schick euch a Lächeln und
mi dads gfrein
derds a bisserl glücklich sein.

Verfasser unbekannt